

**Tallimangornerup arfiningornerullu unnuaani kiisalu ullut
freerfiusussatnallilerneranni ullaassakkut 05.00-p tungaanut imigassamik
sassaaliisalnissaqanguniarlugu Imigassamut inatsimmi § 26-p allangortinnissaanut
siunnersuummiksaqqummiusseqqullugit Naalakkersuisut peqquneqarnissaannik
Inatsisartutaalajangiiffigisassaattut siunnersuut.**

(Inatsisartunut ilaasortaq Justus Hansen, Demokraatit)

Akissuteqaat

(Peqqissutsimut, Isumaginninnermut Inatsisinillu Atuutsitsinnermut Naalakkersuisoq)

Aappassaaneerinnineq

Inuussutissarsiornermut Aatsitassanullu Ataatsimiititaliaq aalajangiiffigisassatut siunnersuum-
mut atatillugu sukumiisumik suliaqarneranut Naalakkersuisut qujapput.

Ataatsimiititaliaq isumaqatigiittoq Inatsisartut aalajangiiffigisassaattut siunnersuummik
imaattumik saqqummiussaqqartoq Naalakkersuisunit maluginiarneqarpoq:” *Talliman-
gornerup arfiningornerullu unnuaani kiisalu ullut freerfiusussat nallilerneranni
ullaassakkut 04.00-p tungaanut imigassamik sassaaliisalnissaq anguniarlugu Imigassamut
inatsimmi § 26-p allangortinnissaanut siunnersuum-mik saqqummiusseqqullugit Naalakker-
suisut peqquneqarnissaannik Inatsisartut aalajangiiffigisassaattut siunnersuut.*”.

Ataatsimiititaliap isumaliutissiissutaa Naalakkersuisunit tusaatissatut tiguneqarpoq. Tamanna
tunngavigalugu imigassaq pillugu Inatsisartut inatsisaata allangortinneqarnissaannik
Naalakkersuisut siunnersuusiortut, taanna Inatsisartut ataatsimiinneranni matumani
saqqummiunneqartussatut naatsorsuutigineqarluni.

Taama oqaaseqarlutik Inuussutissarsiornermut Aatsitassanullu Ataatsimiititaliap allanguutis-
satut siunnersuutaa akuerineqassasoq Naalakkersuisut inassutigaat.